

XXXV. BASARRI BERTSOPAPER SARIA 2019

Aipamen berezia: Julen Zulaika Alkorta
"Zarauzko merkatu plaza"
Doinua: Bizkaiko aberatsak

1.-Bertso batzuk jartzeko

merkatu plazari
gogoz nenbilen asko
ez da hartaz ari
eusten ez dion arren
orduko martxari
oraindik bada zenbait
denda, nekazari
nortasuna emanaz
herri bizitzari.

2.-Iraupen luzekoa

bezain emankorra
alde zaharrak beregan
gorde du altxorra
nahiz handik pasatzea
izan derrigorra
erdigune da baina
da bide zidorra.
Noizbait izan ginenak
bistan du zilborra.

3.-Garaiko elikagai

fruta nahiz barazki
lore, gazta, haragi,
arrain ta hegazti
saskirik sakonenak
osatzeko aski
zaindu ditzagun bertan
daudenak zehazki
bihur ez dadin zuri
beltzeko argazki.

4.-Eskura dezakezu

bertakoa bertan
ez zabiltza edonon
eta edozeinetan
landatu duenaren
esku berberetan
jasoko duzu xorta
hori gehienetan
porruak hitz egin du
bere ezpainenetan.

5.-Goizez elkartzen dira

baserritar batzu
babak aletuz ea
nork egingo kasu
pasa ostean zerbait
egonaldi antzu
saltzeko pronto ilar,
babarrun, garbantzu...
amaitzean hartuko
balute deskantsu!

6.-Ondutako gazta zahar

ketu nahiz gabeko
Aia, Aralar edo
Irati aldeko
"hau ona lagun arte
hobean jateko"
beti bada zer esan,
entzun, jakiteko
harremana denean
hartu emateko.

7.-Bizpahiru arrain kutxa

gertu dituela
begirada zorrotza
eztarri umela
oihuka hasiko da
"antxua duela"
Inoiz pentsa izan dut
hura kantuz dela
soprano txarra ere
ez litzatekela.

8.-Horra getariar bat

merkatuko ikur
bere kastak oraindak
ez ditu bi simur
errutinari egin
ohi dio atximur
ertzetik ariko da
gordin bezain samur
txikitasunak badu
horrenbeste glamour.

9.-Ez badu nora igo

ez da sortzen huntzik
emakumeek eusten
dute hura zutik
gainontzean legoke
merkatua hutsik
lan egin askok esker
ona jaso gutxik
inorentzat ez dut nahi
halako birusik.